

საჯარო სამართლის იურიდიული პირი _

ბათუმის შოთა რუსთაველის სახელმწიფო უნივერსიტეტი

ბრძანება № 01-02/125

30

ივლისი 2019 წელი

ქ. ბათუმი

საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში 2019-2020 სასწავლო წელს მაგისტრატურაში მიღების გამოცხადებისა და წარმოსადგენი დოკუმენტების ნუსხის განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს მაგისტრატურაში მიღების წესის დამტკიცების შესახებ“ ბსუ-ს აკადემიური საბჭოს 2017 წლის 07 ივლისის №59 დადგენილების, „2019-2020 სასწავლო წლისთვის ბსუ-ს მაგისტრატურაში მისაღები კონტინგენტის, სამაგისტრო პროგრამაზე ჩასაბარებელი შესაბამისი ტესტის ტიპის, მისაღები გამოცდების კოეფიციენტების და სწავლის საფასურის განსაზღვრის შესახებ“ ბსუ-ს აკადემიური საბჭოს 2019 წლის 6 თებერვლის №06-01/04 დადგენილების საფუძველზე,


ვ ბ რ ძ ა ნ ე ბ ა:

1. 2019-2020 სასწავლო წლის შემოდგომის სემესტრში გამოცხადდეს მიღება ბსუ-ს სამაგისტრო საგანმანათლებლო პროგრამებზე დანართი №1-ის შესაბამისად.
2. მაგისტრანტობის კანდიდატთა რეგისტრაცია განხორციელდეს მაგისტრატურაში მიმდებ კომისიაში, 2019 წლის 2 სექტემბრიდან 6 სექტემბრის ჩათვლით, ყოველდღე, 10 საათიდან 17 საათამდე შემდეგ მისამართზე: ქ. ბათუმი, ნინოშვილის ქუჩა №35, მე-1 კორპუსი, ოთახი №19.
3. მაგისტრანტობის კანდიდატთა რეგისტრაციისათვის უნდა წარმოადგინოს:
 - ა) განცხადება (დანართი № 2)
 - ბ) პირადობის მოწმობის (პასპორტის) ასლი;
 - გ) ერთიან სამაგისტრო გამოცდებში მონაწილეობის მიმღები კონკურსანტის საგამოცდო-საიდენტიფიკაციო ბარათი;
 - დ) ბაკალავრის (ან მასთან გათანაბრებული) აკადემიური ხარისხის დამადასტურებელი დიპლომის (თანდართული დანართით) ნოტარიულად დამოწმებული ასლი (ბსუ-ს კურსდამთავრებულთათვის - უნივერსიტეტის მიერ დამოწმებული, ხოლო 2019 წელს კურსდამთავრებულთათვის - ცნობა აკადემიური ხარისხის მინიჭების თაობაზე).
 - ე) ორი ფოტოსურათი, ზომით 3X4-ზე, ელექტრონული ვერსია CD დისკზე;
 - ვ) წვევამდელის სამხედრო-სააღრიცხვო მოწმობის ასლი (ან სამხედრო ბილეთი, ასეთის არსებობის შემთხვევაში).
 - ზ) უცხო ქვეყანაში მიღებული განათლების აღიარების დამადასტურებელი დოკუმენტის ნოტარიულად დამოწმებული ასლი (ასეთის არსებობის შემთხვევაში);
 - თ) სხვა დოკუმენტი, თუ ასეთს ითვალისწინებს შესაბამისი სამაგისტრო პროგრამა.
4. მაგისტრატურაში მისაღები გამოცდები ჩატარდეს ბსუ-ს საგამოცდო ცენტრში (მისამართი: ბათუმი, ფიროსმანის ქ. 12, ტექნოლოგიური ფაკულტეტის შენობაში) შემდეგი განრიგით:
 - 4.1. მისაღები გამოცდა უცხო ენაში - 2019 წლის 10 სექტემბერი (დაწყების დრო: I ცვლა - 10⁰⁰ საათი, II ცვლა - 14⁰⁰ საათი; III ცვლა - 17⁰⁰ საათი);
 - 4.1.1. გამოცდის შედეგების გამოცხადება - 2019 წლის 11 სექტემბერი;
 - 4.1.2. საპრეტენზიო განცხადებების მიღება - 2019 წლის 12 სექტემბერი, ბსუ-ს კანცელარიაში.
 - 4.1.3. საპრეტენზიო განცხადებებზე პასუხის გაცემა - 2019 წლის 13 სექტემბერი.
 - 4.2. მისაღები გამოცდა სპეციალობაში - 2019 წლის 16 სექტემბერი (გამოცდის დაწყების დრო: I ცვლა - 10⁰⁰ საათი, II ცვლა - 14⁰⁰ საათი; III ცვლა - 17⁰⁰ საათი);

- 4.2.1. გამოცდის შედეგების გამოცხადება - 2019 წლის 17 სექტემბერი;
- 4.2.2. საპრეტენზიო განცხადებების მიღება - 2019 წლის 18 სექტემბერი, ბსუ-ს კანცელარიაში.
- 4.2.3. საპრეტენზიო განცხადებებზე პასუხის გაცემა - 2019 წლის 19 სექტემბერს.
- 5 გამოცდების საბოლოო შედეგები გამოქვეყნდეს 2018 წლის 20 სექტემბერს, ბსუ-ს ვებგვერდზე და კანცელარიასთან არსებულ საინფორმაციო დაფაზე.
6. გამოცდებზე დასასწრებად კანდიდატმა უნდა იქონიოს პირადობის დამადასტურებელი მოწმობა ან პასპორტი (დაგვიანებული კონკურსანტი გამოცდაზე არ დაიშვება).
7. შეიქმნას მაგისტრატურაში მიმღები კომისია №3 დანართის შესაბამისად.
8. ბსუ-ს სამაგისტრო პროგრამებზე ჩარიცხვის შესახებ ბსუ-ს რექტორის ბრძანება გამოიცეს 2019 წლის 23 სექტემბერს, ფაკულტეტების დეკანების მიერ წარმოდგენილი სამსახურეობრივი ბარათების საფუძველზე.
9. დაევალოს კანცელარიას განათავსოს ბრძანება კანცელარიასთან და ფაკულტეტებთან არსებულ საინფორმაციო დაფებზე.
10. დაევალოს საინფორმაციო ტექნოლოგიების სამსახურს ბრძანება განათავსოს ბსუ-ს ვებგვერდზე (დაევალოს საზოგადოებასთან ურთიერთობის სამსახურს მაგისტრატურაში მისაღები გამოცდების შესახებ ინფორმაცია და მაგისტრატურაში მიღების წესი განათავსოს ერთ სივრცეში).
11. დაევალოს ბსუ-ს ფაკულტეტების დეკანებს მაგისტრატურაში მისაღებ გამოცდებთან დაკავშირებული თემატიკა განათავსონ უნივერსიტეტის ვებგვერდზე, არაუგვიანეს 2019 წლის 12 აგვისტოსა.
12. ბრძანება შეიძლება გასაჩივრდეს ბათუმის საქალაქო სასამართლოში (ქ. ბათუმი, ზუბალაშვილის ქ. № 30.) მისი გამოცემის დღიდან ერთი თვის ვადაში.
13. ბრძანება ძალაშია ხელმოწერისთანავე.

რექტორი,

ასოცირებული პროფესორი



მერაბ ხალვაში

№2 დანართი.

საჯარო სამართლის იურიდიული პირი-
ბათუმის შოთა რუსთველის სახელმწიფო
უნივერსიტეტის რექტორს,

მოქალაქე -----
(სახელი, გვარი)

ფაქტიური მისამართი -----
რეგისტრაციის მისამართი: -----

პირადი ნომერი: -----

ტელ: ----- (ბინა, მობილური)

ელ. ფოსტა: -----

განცხადება

სურვილი მაქვს სწავლა გავაგრძელო ბათუმის შოთა რუსთველის სახელმწიფო
უნივერსიტეტის მაგისტრატურაში -----

ფაკულტეტის -----

საგანმანათლებლო პროგრამაზე.

უცხო ენის მისაღებ გამოცდაზე ჩავაბარებ ----- ენას.
(მიუთითეთ უცხო ენა)

დამატებით გაცნობებთ, რომ საერთო სამაგისტრო გამოცდაზე ჩაბარებული მაქვს -----
---ტიპის ტესტი.

დანართი - ----- ფურცელი.

განმცხადებელი:

-----, 2019 წელი.

მაგისტრატურაში მიმღები კომისია

1. ქერქაძე ირმა - სასწავლო პროცესის დეპარტამენტის უფროსი (თავმჯდომარე);
2. გამყრელიძე ხათუნა-სასწავლო პროცესის დეპარტამენტის მთავარი სპეციალისტი-წევრი;
3. თურმანიძე მაია-სასწავლო პროცესის დეპარტამენტის წამყვანი სპეციალისტი-წევრი;
4. ჭიჭვიშვილი თინათინ-სასწავლო პროცესის დეპარტამენტის წამყვანი სპეციალისტი-წევრი;
5. ბოლქვაძე მარიამ-სასწავლო პროცესის დეპარტამენტის სპეციალისტი-წევრი;